

Cracoviensis Stud. Univ. Sagell.
Promotiones Philos. Ord.
1700 de 2 mens. Agustis



Arbor vitaæ Crux Salvatoris —

Pozna 3024.

ARBOR VITÆ,
C R U X
SALVATORIS.
Celebrioribus per Regnum Poloniæ
S C H E M A T I S M I S ,
Virtute miraculorum, & gratiarum multitudine,
C O N S P I C V I S ;
intra Regia IAGIELLONII Par-

nassi Vireta;

S V B E X I M I A P R O T E C T I O N E ,
P E R A V G V S T I C A P I T V L I
C R A C O V I E N S I S ,

vere novo
R E F L O R E S C E N S .

operâ & studio,
P E R I L L V S T R I S , & R E V E R E N D I S S I M I D O M I N I ,

M. SEBASTIANI
P I S K O R S K I ,
V. I. DOCTORIS & PROFESSORIS,
C A N O N I C I C R A C O V I E N S I S , &c.

A. Universitatis Studij Generalis Cracoviensis
P R O C A N C E L L A R I I ,

ad Annum Secularem eiusdem A. Universitatis per 351376

D. IAGELLONEM instauratæ & Fundatæ
T R E C E N T E S I M V M .

Septemdecim Viris Magisterij in A.A. & Philosophia Doctoratus
L I C E N T I A N D I S ,

Vtriusque Eloquentiæ cultu

C E L E B R A T A ,

Anno Jubilæi Magni, 1700. Die 2. Mensis Aprilis.

CRACOVIA, TYPIS SCHEDELIANIS.



Mihi absit gloriari nisi in Cruce Do-
mini Nostri IE SV Christi.

Galat. 6.

Hodie CRVX facta est; SECV-
LVM sanctificatum est.

August. Serm. de Paraso.

O verè cælestis Planta pretiosior
cunctis, sanctior universis: o verè Li-
gnum vitæ, quod solum fuit dignum por-
tare salutis fructum.

Bernard. Serm. sup. Cant. I



ILLVSTRISSIMO, & REVERENDISSIMO
D O M I N O,

D. GASPARO CIENSKI

Ecclesiæ Cathedralis Cracoviensis

D E C A N O, &c.

Sede Vacante Episcopatûs

A D M I N I S T R A T O R I ,

Totiq; PER AVGUSTO, ILLVSTRISSIMORVM, REVE-
RENDISSIMORVM, PRÆLATORVM, CANONICOR:
eiusdem Ecclesiæ

C A P I T V L O.

Dominis, Benefactoribus Amplissimis.

Illustriſimi, Reverendissimi Domini,
Domini Benefactores Amplissimi.



Rabeatam Regis dolorum majesta-
tem, admiranda gratiarum multitu-
dine, in Augusto Vavelli vestri cardi-
ne dum univerſus Orbis Lechicus a-
dorat; etiam Nos novella Laurearum plantatio,
Arboris vitæ Elogia, ad ipsius basim, & radicem
(celebrioribus intra Regnū Iconismis sanctè & re-
ligiosè observatis) appensa deferimus. Studium

quippe nostrum vere hoc novo, sub tam fausta mirabilium DEI congerie, ad CRUCEM SALVATORIS, in Monte Vestro thaumaturgam restorescet: coram qua, Reges, & terrarum Principes; Fasces suos, ac diademata inclinant. Duplicata etiam Divinissimi PRÆSULIS, & Martyris STANISLAI CRUX, Anno hoc Sancto gratosam protectionis umbram indulget; sub cuius tutela, & Vrbs hæc, millesimi, & Vniversitas Nostra, trecentesimi decursum anni, feliciter est emensa. Decuit insuper Laurus nostras sub tam auspicio CORONARUM Vestrarum patrocinio revirescere; & ILLUSTRISSIMO BISONTIS CAPITI ramos suos prostertere in coronam; ac gratiarum actionem: sub cuius prudēti regimine Vniversa Diæcesis efflorescit in decorem Ecclesiæ maximum; ac in dies succrescit in augem felicitatis. Vniversitatis quoq; Nostræ vota, in hoc Seculari ætatis suæ plausu, non aliunde diuturnæ omina spei autumat, quam à Sacro CORONARUM Vestrarum Ternione; à quo rebus in arduis præsentissimam habuit tutelam. Deponimus igitur Sacram hanc admirandorum DEI Encyclopædiæ, & stupēdam Divinæ CRUCIS virtutem ad aram Vestram: à qua Regno, CORONIS Vestræ, amplissimæ Diæcesi, felicissima seculi auspicia; nobis verò protectionis perennis umbra, ut proveniat; Regnantem à Ligno DEVVM supplilibus votis compellamus.

ILLVSTRISSIMARVM, REVERENDISSIMARVM,
DOMINATIONVM VESTRARVM,

Infimi, & humillimi Licentiati Clericos.

PARTICVL A INSIGNIS CRVCIS

C H R I S T I.

In Monte Calvo, PP. Ordinis S. BENEDICTI, à S. EMERICO, S. STEPHANI Hungariæ Regis, Filio, donata, miraculis augusta.



Voscunq; non Adrastia Nemesis,
Sed scelerum ultiꝝ à tergo DEVS insequitur;
hunc in Montem fugite.

Aram placationis nacti in CRVCE,
tremulas animas refovete.

Calvus quidem vulgò Mons iste dudum dictus;
Nè cuiquam in suo cacumine Asylum celaretur.
Hoc certè paradoxum est; quod, cùm omnibus pateat;
Soli vindictæ Divinæ claudi videatur.

Nempe dum feriunt summos fulmina montes;
huc intorta retorquentur, & suâ metâ falluntur.
Hic Cælestes in terris incolæ Benedictini nacti Cassium;
nos cassos superni præsidij favores experiuntur.
Quid enim à Vitali CRVCIS Sanctissimæ LIGNO sperare deberent?
nisi vitam, Salutem, opem, victorias?

Felix tua venatio Dive Princeps Emerice!
qui, hoc in Monte non feras, sed gratias cœpisti.

Seriùs certè ludus tuus exstitit;
quô Cælum capere licuit.

Nempe dum Regales gazzæ, & Hungaria obryzo opulenta;
Nihil pretiosius, hac CRVCIS Divinæ portione habuerit;
dono hoc, Lechicum Olympum Cælo proprius admovisti.

Assurgunt Augusto Nominis Tuo,
calamitatibus colluctantes mortales:
qui hîc, morborum, febriumq; cohortes, & fata vincunt.
Et quidni sub hoc Signo triumphare liceat?
in quo Triumphantor CHRISTVS avernum, & mortem prostrauit.

Hâc Thaumaturgâ Trabe,
per rubrum Passionis Oceanum,
ad portum Salutis trajecimus:
cujus Insigne Fragmentum non in Armeniæ montibus;
sed in Monte Benedictino veneramur.

Felices terq; quaterq; Palinuri,
qui in cataclysmo peccatorum,
etiam hodie hanc Tabulam voto humili prehendunt.

Felicior Polonia,
quæ suam hîc aurifodinam nacta,
Anno Seculari, & Jubilæi,
auctos in immensum thesauros colligit.

I. V. D. NICOLAVS OCHOCKI, Crac.

IN SIGNIS PARTICVL A ARBORIS

Vitæ, Lublini Anno 1400. deposita, quam Constantinus Imperator Vlodimiro Albæ Russiæ Ducum dote Sororis suæ eidem locata dedit, successivè Gregorius Ivo Dux Kiioviæ, Andreæ Episcopo Kiioviensi consignavit, demum ab eodem Cracoviam portata, Lublini substituit.

Ode

Patet Polonis, frigida quos sovet
Septentrionis portio, flammae
Ad Passionis CHRISTI acerbæ
Prodigium, pietas, nitetq;
Centum coronis, hic ubi publicum
Regni Tribunal, Iustitiae sacram
Erexit aram, Lublinensi
Conspicuâ situata in Urbe.
Abscedat Hermus, pondera qui suis
Abscondit antris aurea; Gangis &
Procul recedant flave arene,
CRVX mage divitiae potentes,
Opesq; nostræ, subsidio date,
Gentis Leches pectora sublevant,
Contraq; bellorum furores
Præsidium renovant perenne!
Ille ferocis fulmina Bistonis
Adusta Lunæ, & cornua comprimunt;
Ille tumentes Marte Moschos
Cladibus insolitis fugârunt.
Nulloq; pacto Gentis ad improbae
Fines moveri tunc poterant, nisi
Per firma pacis iura, sedem
Perpetuam prius occupâssent.
Sic nos ab alto, præsidio DEVS
Ultro tuetur, rebus & arduis
Conservat supernè gratiarum
Mille modos. Pretij redempti
Solamen ingens! o Sacra Portio
Quacunq; dote, & munere carior!
Intende nostræ vota Gentis;
Et Cracias tueare laurus.

II. V. D. IOANNES CHRYSOSTOMUS SZULTZ.

CRUCIFIXICONI THAUMATVRGÆ.

In Ecclesia Cathedrali Cracoviensi Miraculis Clarissimæ

Ex Helicone in Vavelum descende calame!
liberes? a Basilica hac arceri minimè poteris Arce.
Obtusus es? ad inconcussam loci hujus rupem acueris.
Illa hic Cælestium gratiarum adnotare expedit tibi incrementa,
quæ, pridem adamantino expressa charactere,
tota, cum veneratione legit Sarmatia.

In hoc nimirum Vavelo,
aureum nostræ felicitatis vellus
frigidis sub glaciali Vrfa plagiis,
Cælestis primum depositus Agnus.

In hoc Monte
non tantum obryzum, sed etiam pretium vitæ mortalium;
ac inæstimabilem gazam depositus DEVS.
Scrutari alibi montium viscera coguntur Pygmaliones;
hic Cælestis thesaurus in colle prominet;
ut omnibus patens ab omnibus inveniatur.
Inter Vavelanas Coronas fixit stationem;
utpote omnium vota, singulorum desideria coronaturus.

In Saxo licet, Verus Flos Campi;
Cælestis tamen Soli, unde est decerpitus, genium seruans
sterilescere nescit.

Fæcunditate gratiarum Thaumaturgæ,
admirabili virtutis suæ vigore,
cæcutientibus visum, sanitatem ægris restituit.
Fontem Cælestium charismatum dices;
dum mentes afflictas dulci inebriat solatio.

Quid enim sub CRUCE, nisi melleam reperies ambrosiam?

O Arbor vitæ fæcundissima!
cujus fructus vel in hoc typo suo,
humænum exacuit appetitum.

O Lignum
Invictissimi IOANNIS III Poloniarum Regis,
ad Viennenses Campos Trophæum, signumq; triumphi.
Delphicis, Sacratior Laurus!

a qua
Divi HEDVIGIS Poloniæ Regina,
acceptis sœpius Oraculis copiosam gratiarum decerpit sementem:
& responsa tulit.

Tu à fulmine fatorum protege
Regem, Ordines, orbam Pastore Diecæsim:
æterno, & terno seculi decursu famulantem Tibi
lagellonicam plantationem
Cælesti imple vigore.

III. V. D. IOSEPHVS TYXINSKI,

A₂

IN METROPOLITANA ECCLESIA

Gnesnensi, Effigies lignea sculpta, Salvatoris Crucifixi;
ex qua duobus, ante Sucticum bellum annis, San-
guis merus largiore stillicidio, in stratum
altaris profluxit.

Ode

LInquo Camenæ; non mihi fontium
Procella cordi est; vulnera limpido
Quod currit, o IESV! fluentum
Musa bibet, referetq; lympham.
Hanc Gnesna monstrat, dum viduam diu
Quondam Coronam, Sceptraq; Regia
Lugeret: en Regis dolorum
Promeruit retulisse fasces,
Rarō ac stupendō prodigiō sacros.
Nam Finnus armis huc ubi præpotens
Venisset; ut nostrum teneret
Præsidium Leo sub tributo:
Rupit profanus templa, polaribus
Sacra Divis; glandeq; plumbea
Transfixit in ligno repansum
Vulneribus cumulando **CHRISTVM**.
Audi rigenti sub Boreā gemens
Hoc Suece factum! purpureis **DEVS**
Stillavit undis, nec repōsto
Exanimis maduit cruento.
Et Pectus icūm deciduas aquas
Invenit intra, quā pluvia scias!
Quod facta nostrorum scelestæ
Ipse **DEVS** Patiens doleret.
Bis Sol iugales rexit in æthere
Invitus; umbras nam timuit memor:
Fluente sic **CHRISTI** cruento
Se tenebris rubuisse diris.
Quare Lecho præsidium Polo,
Tandem sacrato vulnera provide:
Nostrasq; fonte hoc **CHRISTE!** Laurus
Irrigas, Viridesq; serva.

IV. V. D. IOANNES LOPVSZYNISKI.

IMAGINI CRUCIFIXI

In Ecclesia Cathedrali Posnaniensi, ob multi-
formes gratias, fidelibus præstitas, per Majo-
rem Poloniam, Miraculosa.

Non Dracones modò circa Hesperia mala;
Sed etiam Argos centoculos frustrè vigilare, palam est:
nisi Dominus custodierit Civitatem.
Sepulti gravi lethargo, etiam in vivis sibi parentane mortales:
nisi ē specula sua prospexerit ille, qui totus Oculus est.
Hic Custos hominum, in Imagine sua;
tibi ut notior, ita propior est, Inclita Posnania.
Varta quidem te cingit;
quasi ex ethymo Lechico vigil custodia:
fluidum tamen clementum cùm sit;
fidem non meretur.
Exactior Tibi Excubitor,
qui etiam ipsum Petrum excitat;
ad Tergeminas Turres tuas non dormitat; neq; dormiet.
Felix, quæ in Petra huic Vigili Claves tuas credidisti.
Nempe si Fluvius Excubiarum te circumambit,
Christus Maro est:
qui, in Thaumaturga Imagine CRVCI affixus;
manus expansas tenet, pro te pugnaturus.
Exedram Pontificiam pro speculo elegit;
ut verificaretur Oraculum Hipponeense:
CRVX est, non tantum lectulus morientis; sed etiam Cathedra
docentis.

Imo
Si Major Polonia Nidus Aquilarum est;
hic Aquila magnarum alarum:
Pientissimos Prælatos, velut pullos suos ad volatum
provocat.

Macte animo deuota turba,
abundantiam in Turribus tuis futuram nè despera;
cùm in te, gratiarum penu
in Frumento Electorum possideas.
Apage hinc pestem, & omne toxicum!

CRVX Balsamum est:
ad quam, etiam viperæ properant posituræ venenum.

Amuletum est:
quod, ut cicatrices Reip: sanet;
Regnanti in CRVCE DEO, Pallas Nostra
Cor, Vota, Laureas, & Oleas suas in Hecatomben subternit.

V. V. D. MICHAEL STAPORKOWICZ.

I M A G I N I C R V C I F I X I
ad Basilicam Archipresbyteralem Crac:
in Circulo, ipso aspectu peccatores
conterenti.

Ode

Vrbium Princeps, celebranda Craco;
Cui Ioves nostri, Diadema, Fasces;
Et quibus grandes animæ quiescunt,
Pergama credunt.

Inter ingentes opulenta gazas:
Te, quibus cœli moderator alti
Ampliat; majus pretium sacrata

A CRUCE sumis.

O quot in porta Craudos reponit,
Dona supremum geminatq; Numen!
Quotve cum celsis Aquilis ad astra
Agmina tendunt!

Non datur nostris calamis facultas;
Quis Tibi splendor venit à Patronis,
Lechici Regni; veneranda quorum
Lipsana condit.

Ipsa CRVX pennam celerem fatigat,
Ædis Augustæ MARIÆ, profundo,
Grata, quam cultu veneraris, atq;
Excolis auro.

Circuli centrum Cracij, sacrata
CRVX, & ingentis pretij monile,
Iudicum lanx, & Nitidi Senatus
Regula prima.

Hanc pius Suentosylaus perenni
Obsequi voto recolens, secreta
Audire Cœli; meruitq; summos
Scandere postes.

Hancq;, fortuna populos ruentis,
Cum frequentatis precibus revisit;
Semper è summo remeasse fausta
Tempora sensit.

Vinciunt si quos scelerum catena;
Inde laxatis rediisse vincis,
Liberos se se memorant, CRVCISq;
Numen adorant.

Ergo CRVX, Regis solium Supremi,
Fascibus nostri faveas Monarchæ:
Craciæ Sedi, Iagelonidumq;
Prospice Musis.

VI. V. D. MARTINUS GRUCKI.

I M A G O C R V C I F I X I D. N. I. C.

In Ecclesia Claræ Tumbæ PP. Cisterciensium, ab Ivone Pijsimo,
Antistite Crac: inibi collocata, miraculis, & gratijs Clara.

Æ tu Claræ, & Vitalis Tumbæ non inane nancisceris nomen,
Cisterciense ad Crac: Archicænobium;
quod, lucem vitæ concentratam possides.

Virginalem ad Collem,
augustior eminet Columna, Imago CRVCIFIXI;
cui salus Poloniæ innititur.

Hanc Pius Antistes Ivo posuit;
ut fideli Polono populo lux, & dux esset ad vitam.

Circa littora Vistulæ fulget Pharus hæc;
ut Poloniæ Argo, faustò, ad portum bonæ spei
utatur nauigiò.

Nè hamus mortis, qui ipsam Vandam hamauit,
incautos caperet;

Sanctior cum CRVCIS tridente Neptunus CHRISTVS, præcauet.
Et certè hinc excede Libitina!

contra te hic aculeus est.
Tot ereptis tuis, & auerni spolijs; etiam tibi interitum minatur

Triumphale Signum.

Sympotatum pestem jactas;

Vitale Signum est.

Quod gratias, tot salutis pharmaca propinat.

nemo tristis recessit;
qui, triste licet, hoc morientis DEI Hominis simulacrum
devotè visurus accessit.

Devoto cultu, contrito vultu;
aspectus hic mysticus Serpens,
à Colubro infernali morsos efficaciter sanavit.

O quot periclitantes Palinuri in gurgite vasto ærumnarum;
hic, beatas Insulas inuenerunt!

Auspiciatissima Helice CRVX Mogilnenensis;
cujus jubar, Solis æmulum, aurea spes salutis.

Sed quo prouolas leuior penna?

Facilius tibi Vistuleos exhaurire fluctus;
quam hunc Oceanum gratiarum.

Fidem miraculorum præstent, tot votua anathemata;
& appenæ sanctiori tholo gratitudinis tesserae.

Ad metam ergo felicitatis Polonæ,
tu quoq; venerabundus sit; & supplica:

Vt Regnator à Ligno DEVS,
Regi Augusto, semper augustum se præstet:
Ordinibus Regni, & Academiæ, cum Urbe hac,
inceptum seculum Saturninum efficiat.

VII. V. D. PAVLVS CIBVLISKI,

B. 2

EFFIGIES CHRISTI CRVCIFIXI

Lublini apud RR. PP. Carmelitas Discalceatos gratijs Celeberrima.

Golgotha præruptis, asperima Golgotha Saxis;
Tincta salutifero Patientis Sangvine **CHRISTI**
Ad Solymam; linquens scelerate littora terræ;
In Lechiam volucri properat Sydone volatu.
Ac ubi Metropoles: Gnesnam, Craciosq; Penates,
In CRVCE suffixi decoravit Imagine **CHRISTI**:
In Lublinenses se contulit illico fines;
Justitiaeq; lares. Ubi Ius appendit, & æqvum
Lance Dea; in dextra gladium versata cruentum;
Monteq; Carmelo stationem fixit amicam.
Quâ patet ad levam fabricata Intransitibus Ara;
Muscose stat fixa basi CRVX; langvida pendent
Colla; & in amplexus vultu invitante, parata.
Hæc (cùm Lechiadum, Scytha se truculentus in Oras,
Et vastos effudit agros; ferro, igne potentem
Depopulaturus, multo conamine Gentem)
Visa fuit quondam lacrymis manantibus Vrbem,
Indigenasq; Vrbis, Lechicæq; Phalangis alumnos,
Aspexisse oculis; tantam miserata ruinam.
Visa dein, tristem referens in Imagine vultum,
Tela in Threicias armata sipayre cohortes;
Et nostros animare Duces; generosa fcoverent
Pectora; quæ ipsi veniunt in prælia Divi.
Nec modò Prodigij cessaat clarere: sed Vrbem,
Lechiadumq; Orbem, magnis virtutibus implet.
Nam quicunq; gravi vivit merecere fatiscens,
Aut lentis premitur, nullo solamine, curis;
Ocyor illa, suum venit invisa clientem;
Gaudia pro gemitu, tristiq; ferendo dolore:
Præterea quibus ora ligat, lingvamq; fatigat;
Non bene formatæ natura inimica loquelæ:
Aut quos deformes, scauros, vatiōsve, varōsve
Composito ad numerum vult destituisse cothurno:
Pupillamve quibus natura noverca serenam,
Vel clarum, quô nil magè carum, lumen ademit.
Hos siquidem lingvâ, gressuq; & lumine donans;
Vota celebrandam gestat suspensa per Aram.
Hæc igitur Lechiadum Divino robore firmet;
Protegat & longo nostras munimine Laurus.

VIII. V. D. SIMON CANTIVS LACKI.

EFFIGIES CRVCIFIXI,

In Porticu ædium Sanctissimæ Triados Crac: ob acceptos
Cælestes favores, populi adoratione, culta.

Non omnis fluvius fert secures;
prisca Phrygis paræmia est:

Noster Vistula etiam securitatis Aras vehit;
ut, & mobili elemento immobilem rerum statorem inesse,
non dubitet Orbis.

Oedypum nè fatiges, rem expando:

Ille est, quem Thaumaturgum in sua Icone CR VCI affixa;
ad ædes Sanctissimæ TRIADOS in Vrbe Craci,
pronus Viator adoras.

Hunc Fortem, Armatum, Polonus Simois, & scamander tulit;
ut securiora Pergama nostra fierent.

Supra aquas ferebatur Ara hæc;
ut Spiritu Domini, delatam adorares.

Cæterum istud Asylum, omnium refugio, destinatum cælitus,
non omni dextrâ attigi voluit;
nisi a Magni Dominici Filijs.

Quid ita?

ut, ubi Thomæ manus,
ibi latus Domini patens esset.

Nempe

non alibi potior, salientis aquæ in vitam æternam, mortalibus
ostendi potuit scaturigo;
quam unde liberalior, in miseros sperabar refluxus.

Quid enim parcum esse potest?

ubi gratias Candidi Ordinis, candor ipse dispensat.
Putarem tamen, & rapidis Vistulæ undis suum esse arcanum.
Nativum his utq; vel eminus suos remeare in ortus;

& nisi in Oceano condi.

Errasset Eridanus noster, si Sacris sibi à Calo creditis, non sic,
in Mare Aquinaticum placidus influxisset.

Vnionem enim pretiosum vehebat, exonerari non debuit;
nisi, ubi puriores animarum, & animorum gemmæ nascerentur.

Huc ergo

devota Lechiadum Turba, votis supplicibus tende:
unde, vel cum Aquis Aquinaticis,

Salvatoris gratia liberalius manat.

Macte animo amarum calamitatum Mare hoc salutari LIGNO
tinctum dulcescet.

IX. V. D. STANISLAVS GOLEIOWICZ.

EFFIGIES CRVCIFIXI

in Oppido Busko Diœcesis Crac: in quam, dum impia, & hæretica mulier
sclopō jaculari vellet; miserè eo in loco, manibus adustis mortua est.

O Summè Patiens, Celi Rex, **CHISTE** nitens!
Ergo nulla Tui statuetur meta doloris?
Siccine sœva, Tibi series immensa malorum
Accrescit? dirumq; nefas immanibus ausis,
Et sceleri scelus accedit? nec crimina stante
Cessabunt scœlo? flagrorum sœva procella,
Ictus fulminei, tot turpia monstra Gigantum,
Mentibus humanis diro conamine nata;
In Te, Magne **DEVS**, feriunt? gentesq; feroce,
Oblatum pretium dum contempseré profano
Cultu: ponè novum crimen, mirabile dictu!
Nascitur è Lucis, fideiq; è cardine primo,
Imbellem, sceleris deturpans munere sexum.
Scilicet inspecto **CHRISTI** vultu, laterisq;
Vulnere transfixi; crudelis sœmina facti,
Arripuit pyrio compactum pulvere sclopum.
Dumq; **DEI** Effigiem, scelerato verberat icu;
Ultrix ira polo; mirum! descendit ab alto,
Sacrilegasq; manus flammâ consumpsit averni;
Ac animam eternum Ditis detrusit in orcum.
O Mirande **DEVS**! summi Sapientia Patris;
Quis tantæ virtutis opus, quis munera Sancta?
Humano generi dignè concessa loquetur?
Perpetuo tractu, qui tot charismata fundis
Christiadū populo! qui tot solatia amoris
Largiris, Lechiae maiorum sanguine parte;
Quisitaq; diu fidei monumenta tueris.
Tu præsns Tutela pates, contra obvia tela
Ponti; ac insolitos æstus! Tu vulnera Gentis.
In dubias scissæ partes, langvore tueris;
Sanguineoq; lavas nostrum peccata fluento.
O **DEVS**! o fidei quæsite, Gloria nostra!
Et patiens, Sacri vindexq; severus honoris!
Conserva Lechiae Proceres, Regemq; sub Vmbbris
Arboris; unde salus populi, unde & vita suborta est.
Fac vigeat pietas, probitas virtutibus amplis:
Atq; timorata succrescant munera mentis.
Continuò vireant, Cracio sub climate Laurus.

XI. V. D. PETRVS KEMPSKI.

CRVCIFIXI IMAGINI,

Ad ædes S. Adalberti in Circulo Crac: gratijs coruscanti
Anathema Votivum.

I Lium Neptuni, & Apollinis augustum opus,
cur nunquam eluendam in cinere agis pænitentiam?
Malè custoditum Palladium,
hanc tibi contritionem finè emendatione causavit.
Hactenus stetere Pergama; quatenus illud stetit.
Ex quo, hoc à Pelasgo sublatum; sublata est & Troja.
Ita superi, vigiles suos custodiunt;
& pro se laborantibus laborant:
è contra neglecti, negligunt ingratos.
Faustiorem, Orbis genius miratur nostram Trojam;
Divorum, Regumq; Sedem Cracoviam.
Hæc, inter fatorum fulmina triumphat;
& exactō feliciter ævō aliorum clades numerat:
quia sanctius Palladium, impensiū colit.

Nempe
in medio circuli sui,
Virtutem collocavit, Imaginem CRVCIFIXI.
In æde Archipræsulis Adalberti
Labarum CRVCIS fixit;
ut, cum ipsius hastis majus præsidium augeret.
Iagellonicæ Palladis Ecclesiam elegit;
quia non alibi Divinus hoc Palladium servari locuit.
Vibrate jam pupillas Argi;
non Trojanos ignes, sed thaumaturgam lucem visuri.
en, ut in septentrione gratiarum, ad hanc sconem explicatur
Meridies;

ut orantes, & adorantes animas, Cœlestis lux circumdet.

Mirum sane est;
Tragicum Passionis negotium mente volant mortales;
& pleni solatio redeunt.
Atrocissimam necem meditantur, & vitam sanctiorem
ex aspectu Imaginis inchoant.

Felix Craci plantatio!
quæ in medio Paradisi tui,
hoc Lignum vitæ possides:
Regno, Regi, Tibi, ac Musis nostris vitam proroget
immortalem.

XI. V. D. CHRISTOPHORVS MICHAŁOWSKI.

MIRACULOSA CRUCIFIXI SALVATORIS Figura, in Ecclesia Koscinensi Majoris Poloniæ, Magnâ populi frequentiâ colitur.

Ode.

NVlla tam felix numerat Cathedra
Dogmatum sensus; fideiq; veræ
Nullus effatu, retulit tota altæ
Verba salutis;
Quot, pios fructus meriti superni,
Quotue doctrinae pretiosa dona,
Ip̄sa Crux confert sita, Koscinensi in
Limine Temp. i.
Illa, per plures populo gemeni,
Iudicum lites rigide perorans,
Contulit multis, gelidos per artus,
Gaudia pacis.
Vnde transferri meruit piorum
Corde; maiore statuq; in Ara:
Gratiarum Fons magis ex aprico,
Ut fluat haustus.
Nempe debebat thymiana laudis
Maius accendi; referens odorem,
Vtq; succrescat pius inde fervor;
Luce videri.
Confugit supplex quoties ad Aram,
Fessa plebs, longo, nimio & dolore;
Gratia semper recipit supernæ
Inde levamen.
Hinc graves culpa veniam merentur:
Sentit ac ager facilem medelam;
Membra, Captivo labefacta ferro
Consolidantur.
Accipit mæstus requiem laboris;
Mortui, longa serie iacentes,
Huius impulsu, rediviva sumunt
Corpora Manes.
Sub tuo sacro Labaro, triumphum
Expectunt nostræ, DEV S Alme, mentes:
Hinc Tu, Laurus proprias, honori
Dantq; dicantq;

XII. V. D. SEBASTIANUS KASPROWICZ.

I M A G I N I C R U C I F I X I ,
Leopoli, In Ecclesia Archicathedrali, Victoriarum, & Triumphorum Auspici.

CVbile Leonis est;
quod etiam Byzantinos Alcidas terruit.
Ergo temeritas Leoburgum cautiūs accedat.
Leo de Tribu Iuda,
qui, tam horrendum rugiſt;
ut Cælum, saxa, & eleminta pauerent:
in Imagine sua hic præfens est;
quis non pauebit?
Leonem apertis luminibus dormire;
si naturæ secretarijs, compertum est:
hunc, nulla hesperugo uidit dormitantem.
Atræ noctis Præses, & Erebi Filia,
Othomanica Luna;
ab hoc Vigili, perterrita, Leone, olim sanguinea, mox pallida extitit.
Nempe
in Polonia Polo primum Zodiaci signum, LEO;
Solem duntaxat admittit:
Qui, certè in illo geminavit incendia:
& ipsum Taurum contra Auroræ Busiridem inflammavit.
Nempe sensit tyrannus Augustæ CRVCIS virtutem;
cujus, ipsa Imago Leopoli Thaumaturga;
diræ, & duræ obsidionis vim repressit.
Mortem minabatur, & excidium
Musulmanica rabies;
sed Vitale Lignum, vitam in morte invenit.
Rogos exitiales, Roxiacæ Metropoli accenderat;
sed Sanctior gratiarum Fons, incendium extinxit.
Ruinam minabatur, Vrbis;
sed Columna Orbis, eam, CRVX suffulit.
Multis arietibus pulsavit mænia;
sed unus anniculus Agnus, balistas retudit.
Sagittarum densa missilia vibrauit;
sed Vmbo CRVCIS adamantinus obstitit.
Alia Miracula nè quæsieris,
tota CRVX, Miraculum est.
Imo grande Miraculum esset, ad hanc CRVCEM confugientes,
sine solatio redire.
Russiam appella calame!
quæ tota, sub CRVCE triumphans,
Triumphatori CRVCIFIXO supplicat;
ut, in restitutis Prouincij, gloria CRVCIS,
& olea pacis æternū floreant.

XIII. V. D. SAMVEL IANSON, Leopol;

IMAGO PATIENTIS
IN CRUCE DEI
Hominis ad Aedes Divi Marci, multifor-
mibus Gratijs corusca.

DE LIGNO vetitum pomum dum carpserat, inde
Carpit Adam soboli noxia cuncta sue.
Admiranda DEI IESV Patientis Imago,
In CRUCE Vita, Salus, estq; medela reis.
Mille pijs lachrymis hoc Arbos ritè colenda,
Afflictorum Quæ dulcia vota beat.
Quidquid inexhaustæ bonitatis præbuit Orbi,
In LIGNO moriens hoc dedit ipse DEV.S.
Ingeminare novos gemitus, & crudo dolorum,
Nos iubet æternum, Passio Summa DEI.
Muneris est pretium tanti sub Nominе Marci,
Quem Patiens Dominus fecit amore suum.
Hic lachrymæ sumunt, hic gaudia vota precantum;
Nam pretium virtus, estq; Corona DEV.S.
Tu IESV Patiens, Salvator totius Orbis,
Iam pretium lauris, nostra Corona, dat.
Giedrocius roseo flagrans pietatis amore,
Gestivit, IESV Verba loquente sibi:
Ad Mortem patiens sis usq; per aspera victor,
Sic capies nitidi culmina celsa Poli.
Dæmona Giedrocius vicit dexter, CRUCIS Alma
Huius in auspicijs, mille trophya ferens.
Vulcanus Cracidos dum grassaretur in Urbe,
Hac CRUCE terga dedit, perdomitusq; fuit
Vota ferunt populi, solamina digna triumphis,
Quæ capiunt, cedris saepe notanda sacris.
Suffragijs meliora suis dum CHRISTE capessunt
Dona, Tibi grati supplice corde ferent.
Ergo Iagellonis Laurus haud fulmine tangi
Permittas Genitor, Rexq; Supreme Poli.
Imperium summum gestans ex Arbore Victor,
Augusto Regi, Sarmatiæq; favet.

XIV. V. D. IOANNES KRUDNEROWICZ.

CALVARIAE ZEBRZYDOVIANÆ
in Polonia ad Crac:

TRANSLATO in Orbis partes, CRUCIS mysterio;
Hierosolymam à se abisse haud ambiguum est.
Excedere à se debuit, tot stimulis acta durioribus;

quia ingrata.

Lapis in lapide non mansit; utpote singuli abituri.
Dubitas, abeunte Christo, etiam lapides mansuros?

Etiam illi animati contra ingratos.

Scissas olim petras contra insensatos legimus;
nunc in exterminium eorum uniuntur.

Hierusalem ergo, amplius non est visio pacis;
Ex quò, Principem pacis interemit.

Feliciar Aquila Nostra,
quæ, Magno Zebryzovio Duce
Hierosolymæ Coloniam, in Poloniam traduxit.

Hic beati Sionis Colles,
non jam peregrini sed domestici.

Hic salutaris Golgothæ vertex,
tholo CRUCIS beatus;

mortales Cælo inserit.

Hic Annæ, & Caiphæ palatia Cælo ad palatum;
& Herodis Curia, non incuria salutis;
quia indulgentijs peccatorum opulenta.

Totam beatam Vrbem, in Orbem Lechicum migrasse
credideris:

quia Geometricam ipsius mensuram,
Zebryzovianus Genius ex asse transumpxit.

Golgotheum hunc in Polonia Montem,
cùm millones populorum concenderint:

soli Dæmones licet velocius ad perniciem nostram,

vel ipsam radicem illius formidant.

Polonicam hanc Hierosolymam,

Germania, Hungaria, Slauonia;

& quidquid in vicinia Gentium est; invisunt.

Soli Hæretici detrectant;

quibus in Hierico habitatio complacuit.

Tu, quisquis salutis arripere iter conaris;

hanc Hierusalem pete:

non solus in illa peregrinus,

Cui Reges, Princes, Duces, Antistites, prodromi fuere.

XV. V. D. STANISLAVS MARKOWICZ.

EFFIGIES CRVCIFIXI SALVATORIS
in Ecclesia Neofandecensi, funditus olim Conflagrata, sola remansit intacta, cum tabella residua, continente hanc inscriptionem: Peccata vestra,

Ode.

Euge Musarum celebris Corona!
Colle Parnassi gemino, locata;
Castalis, dulces latices aquarum
Funde per amplos.
Gemmeum **CHRISTI** solium dolentis;
Et salus mundi celebranda venit:
Igne laudes medijs in undis
Ponè supersunt.
Dum tot **Aethneus** struit officinas
Mulciber; sævas agitando flamas;
Vertit in tristem cinerem, ac favillam
Tecta domorum:
Has faces volvit furiosus, usq;
In sacras **Aedes** removente vento;
Quas suis **Sædec Nova** continebat
Menibus altis.
Tecta Divorum titulo Sacra;
Atq; cùm fumo vehementer Ara
Evolut; quidquam manet haud perenni
Absq; ruina.
Sola CRVX altos, stupor! inter ignes
Mansit immunis: prope quam relicta
Sculpta suggesti in minima tabella,
Binaq; verba.
Quòd **DEVS** Signo nimum suspendo
Monstrat, infandum scelus; in favillam;
Quòd velut nostrum, rigidæq; pena
Tollere crimen.
O sed humanae, pretium salutis!
CHRISTE, tormento CRVCIS in superno.
Perditam vitam generi labenti
Qui renovasti!
Applica guttam Latere è Sacrato
Laureis nostris! fluat hinc amoris
Fons inexhaustus, Jagelonis atq;
Irriget artes.

XVI. V. D. SEBASTIANUS PYZOWICZ.

IMAGINI CRVCIFIXI,

In Ecclesia Andreouensi, Sanguine Miraculosè sudanti.

In Agypto mundi,

Angelum exterminatorem nè timueris Andreovia!
liniti postes sanguine Agni, stragem avertent.
Primogenitus ante omnes Creaturas;
quem CRVCIFIXVM in Imagine Thaumaturga colis,
primogenita servabit.

Solum tuum, Cereris ferax, ut fæcundius redderet;
etiam ex Icone sua pluuiam serotinam effundit.
Et certè, Nilus hic è Paradiso gratiarum fluens;

Agyptiaco felicior.

Qui quinq; duntaxat ostijs,
totum mundum mundat, & fæcundat.

Si autem tam grata, & salutaris tempestas,
cataclysmum fecerit, nè metue.

Felicissimus Hylas, qui tantis gurgitibus absorbetur.

Nempe in hoc pelago mergi;
est, portum salutis attingere.

Naufragar tamen hic neminem autumo;

Vbi eadem CRVCIS Tabula,

& Nauis Nòética felicior, & Portus est bonæ spei.

Imo intumescere hasce undas nè dixeris:

Supra quas, Divinus Spiritus ferri non desinit.

Sudum ergo perpetuum tibi gratuleris:
cùm sanguine rubet Mysticum Cælu n.

E a fideles Brandi orum Manes!

Vobis prima, ex sanguine Agni data est tinctura.

De numero Signatorum vos esse, quis ambigat?

Quos non litera T'au, umbra CRVCIS;

Sed ipsa CRVX sanguine cruenta, consignavit.

Cujuslibet Orthodoxi ædes,

Templum DEI esse; debere docuistis:

cùm Vestri Lares, primam Ceram Christo posuerint:

Felices Polonus!

Si eis quælibet Domus Golgotha fuerit.

Vbi nempe Christus non patiatur sed agat;
ubi clavi non pungant; sed stimulum addant amoris.

XVII. V. D. SEBASTIANUS TORTOWSKI.



Sub FELICISSIMO REGIMINE.

MAGNIFICI, PERILLVSTRIS, & ADMODVM REFFRENDI D.

D. M. MATHIAE
PSOIECKI,

S. Theologiæ & I. V. Doctoris, & Pro-
fessoris, Protonotarij Apostolici, Collegæ,
Majoris, Ecclesiarum Collegiatarum, SS. Omnium PRÆ-
POSITI, S. FLORIANI ad Crac: & Opatoviensis,
DECANI, SCHOLASTICI Curzeloviensis, CAN-
CELLARII Posnaniensis, CVRATI in Ošick,
Contubernij Jagelloniani PROVISORIS,
S. R. M. SECRETARIIL

STVDII, ALMÆ VNIVERSITATIS
CRACOVIENSIS,
GENERALIS, ac VIGILANTISSIMI
RECTORIS.

1780.15

Biblioteka Jagiellońska



stdr0016819

